

Bibilia cuna Anapiana
Anhacupangisa

Cubhalwa
cwa Yesu



Anhaculemba: Edward Hughes

Anhacupangisa: M. Maillot
Alastair Paterson

Anhacusangula: E. Frischbutter; Sarah S.

Anhcuchinja Mulongero: Sarifo Buramo Cheia

Anhacuphica: Bible for Children
www.M1914.org

©2020 Bible for Children, Inc.

Lemba apa mulankhulu udhaphatisewe
bhasa pacuchinja chithancano ichi.



Calene cacamwe, Mulungu atuma ngirozi gabrieri cwenda cuna nsicana, mwana mwali unango wa zinza ya wayudha zina yache ndi Malia. Ngirozi ampanga Malia, "Iwe unazabala mwana mbumpasa zina ache Yesu. Iye anazachemerwa

Mwana
Wacudzulu-dzulu.
Iye anazatonga
cwenda-
nacwenda."



"Pinachiticambo tani pepio?"
Mwanansicana avunzisa nacuzuma.
"Ine ndine mwali, ndisati ndakhala
namamuna tayu." Ngirozi alonga
cuna Malia cuti mwana
anabulukira cuna
Mulungu. Iye
nkhabe
cuzakhala
na Babha
wamunthu
tayu.



Ngirozi natenepa yalonga cuna Malia
cuti mbhaliache Lizabeti anazabhalambo
mwana pathunga yache
yaunkhalamba. Ipi
pikhali pirengombo
bhasi. Na nthawi
yachifupi, Malia
ayenda caona
Lizabeti.
Muyirimwao
acuza Mulungu
pabhozipene.



Malia acavunzirwa cuti
asembwe namamuna unango
anachemerwa Zuze. Zuze
acadhayipirwa cacamwe
pidhava iye cuti
Malia mwana-mwali
wache anapathupi.
Acadhanherezera
cuti panango
mamuna unango
ndi babha
wamwana
unole.



Mundoto, ngirozi ya Mulungu
yalonga na Zuze cuti mwana unole
ndi mwana wa Mulungu. Zuze
anafunica cuti apheze Malia
pacucoya na pacucuza Yesu.



Zuze akhululupira mbavera Mulungu. Iye averambo
mitemo yandzico mwache. Thangwi na ntemo utswa,
iye pabhozi na Malia
ayenda cumbuto
yacubhaliwa,
Betrehema,



cuti alipire piakhumi piawo.





Wafica nzize wacuti
Malia alecwe. Mbwenhe
Zuze asaca cuansene
mbuto ayisowa.
Manhumba
mwansene
mucakhala

mwacuzala
na
anthu.



Pacumala cuanzize, Zuze azagumana thanga yapinhama. Mwemule, Khombwani Yesu abaliwa. Mai Malia agonesa mwana munadyera pinhama.



Paduzi pale, macabhuswa acajhesa mabira awo.
Ngirozi ya Mulungu yafica culi iwo
mbaapanga mafala
adhidhi cacamwe.



"Cuabhaliwa cuna imwe ntsico yalero munthalaunda ya Davidi mponesi ule ali Cristu Mbuya. Imwe munagumana Khombwani agoneswa munadyera pinhama."



Nacuchingiza, chieza chamangirozi anango chaonekera
cuzulu mbacuzza Mulungu mbalanga,
"Mbiri cuna Mulungu Wacuzulu

cacamwe,



napazicombo
tendere, udhidhi
unaoneca culi
munthu."



Macabhuswa athamanga cwenda cuthanga cule. Pidhamalawo cumuona Khombwani iwo ayenda mbalanga culi munthu wansene acagumana nayiwo njira pidhavunswa yiwo nangirozi na pia Yesu.





Pacumala nsicu
makhumi manai, Zuze
na Malia abweresa
Yesu munhumba
yaMulungu cu
Jerusalema. Cwecule
mamuna unango
acachemerwa Simioni
acuza Mulungu
thangwi yakhombwani
uyu, pina, nkhalamba
unango anachemerwa
Ana, mphati wa bhasa
ya Mbuya, apereca
takhuta.





Ansene aziwa
cuti Yesu acali
Mwana wa
Mulungu, Mpulumsi
wachipikirwa.
Zuze achekera
mbalame ziwiri.
Ucu cucali cupasa
cwa anthu acusowa
pacubweresa
mwana wawo
pamaso paMulungu
ninga pidhalonga
ntemo wa
Mbuya.



Panzizi unango
pacubhuluca pepale,
nhenhezi yacusiana
yaperekera Amuna
Acungwala

acubhulukira cwamazico
acuncono wazwere cwenda
cu Jeruzalema. "Alicupi Iye
Ule adhabhaliwa, Mambo
wamaJudha?" Iwo avunza.
"Tisafuna timucuze."



Mambo Herodi ava na pia Amuna Acungwala. Nacunenseca muntima mwache, iye aavunza cuti azampange acamuona Yesu. "Ine ndisafunambo ndimucuze," Alonga Herodi. Mbwenhe iye acali cunama. Herodi acafuna cupha Yesu.




Nhenhezi yaperekera Amuna Acungwala cuenda pa nhumba icakhala Malia, Zuze na mwana wao. Mbagodhama nancuncuza, amuna awa apereca cuna Yesu mphaso ziculu na mafuta acununkhira.



Mulungu alonga cuna Amuna
Acungwala ale cuti abwerere
cunhumba cwao nacubhisala.
Herodi acaphwaphwata
nacuipirwa. Iye acakhala
wacugwinha cuti aphe Yesu,
atonga cupha anapiana amuna

ansene



amuBeterehema.






Mbwenhe Herodi
adhacwanisa tayu cuphata
nacupha Mwana waMulungu!
Mbachenjezwa mundoto,
Zuze acwata Malia na Yesu
mbayenda cuzico ya
cuDjipita.



Padhafa iye Herodi,
Zuze abueresa Malia
na Yesu munzico
yacubaliwa



cubhulukira cuDjipita.
Iwo akhala muthaundi yacuchepa
ya Nazareta, paduzi na bhara yaGalileiya.



Cubhalwa cwa Yesu

Chithancano chafala yaMulungu, Bibilia,

Chisaonecwa mu

Mateyu; 1-2, Luka; 1-2

"Mapitiro aMafala Anu asapasa chieza."

Salmu 119:130



CUNKHOMO



Chithancano ichi cha muBuku chisatipanga na pia Mulungu wathu wanculu adhatichita ife, Mulungu Ule anafuna cuti iwe umuziwe.

Mulungu asapiziwa cuti ife tachita pinthu piacuipa, pire pinachemera Iye picadho. Mbhairo wapicadho ndi cufa, mbwenhe Mulungu asacufuna piculupiene, Iye atuma Mwana Wache mbhoziene bhasi, Yesu, cuti afe paNtanda, mbaoneswa nhatwa nathangwi yapicadho piaco. Bhuca pepo Yesu akhala pina maso mbabwerera cunhumba Cuzulu! Iwe ucantawira Yesu mbumpidhiri cuti aculekerere piacuipa piaco, Iye anapichita! Iye anabwera mbakhala muncati mwa iwe chinchino pano, pina, iwe unazakhala na Iye cwenda-na-cwenda.

Khala iwe wapitawira cuti ipi ndipiodhi, longa tenepa cuna Mulungu: Yesu wacufunica, ndatawira cuti Iwe ndiwe Mulungu, mwachitica munthu cuti mufere piacuipa pianga, chinchino imwe muli maso pina. Ndapota, bwerani, mupite muntima mwanga, ndilekerereni madhawa anga, cuti ndikhale na upenhu utswa chinchino pano, pina, nsicu ubhozi ndizakhale na Imwe cwenda na cwenda. Ndiphezeni cuti ndicuvereni pina ndikhale Wanu ninga mwana Wanu. Amen.

Werenga Buku, longa na Mulungu nsicu zansene! Juwau; 3:16

